

棗陽縣志卷一

沿革 疆域 形勝附

棗陽縣地於禹貢屬豫州

按禹貢荆河惟豫州荆山在今南漳縣周禮豫州其浸波
澆澆水在今隨州其地皆在棗陽之南故棗陽在唐虞夏
商屬豫州

周為唐國

按左傳唐成公如楚註云唐國在今湖廣棗陽縣舊有上
唐鄉括地志上唐鄉故城在棗陽縣東南古之唐國也今

棗陽縣志

卷一

沿革

名唐縣鎮屬隨州

春秋屬楚

按成公五年楚滅唐

秦屬南陽郡

按班氏地理志蔡陽屬南陽郡註云秦置

前漢為蔡陽縣隸南陽郡屬荊州

按漢志南陽郡領縣三十六有蔡陽春陵等名考蔡陽故
城即今蔡陽鋪在縣西南又按後漢書城陽恭王傳節侯
買封於冷道之春陵鄉為春陵侯至考侯仁上書願徙南



陽守墳墓元帝許之初元四年徙封南陽之白水上唐二鄉仍以春陵爲國名

後漢改春陵爲章陵分置襄鄉縣

按光武帝建武六年改春陵鄉爲章陵縣又按後漢書黨錮傳註云襄鄉故城在今棗陽縣東北

魏省襄鄉更章陵爲安昌

按水經注安昌漢章陵魏黃初二年改今名

晉立義陽郡以安昌爲治所

按水經注引闕駟十三州志云晉太始中割南陽東鄙之

棗陽縣志

卷一

沿革

二

安昌平林平氏義陽四縣立義陽郡於安昌城又注云安昌漢章陵故義陽郡治也

南宋蔡陽省安昌如故襄鄉改隸河南郡屬雍州

按東晉之世苻堅喪敗雍秦流民多南出樊沔晉孝武始於襄陽僑立雍州並僑立郡縣又按南宋書云河南太守僑立始治襄陽

南齊立蔡陽郡隸甯蠻府置東西蔡陽二縣襄鄉安昌仍舊建武時俱沒於北魏

按南齊州郡志但有襄鄉蔡陽二縣而祥瑞志永明九年

義陽安昌縣獲白麀一頭則安昌之隸義陽足據

後魏廢襄鄉置廣昌縣立廣昌郡析安昌置豐良縣立安昌郡設南荊州東西蔡陽仍合爲一置蔡陽郡設南雍州南荊州後入於梁尋復入西魏

按隋志棗陽注云舊曰廣昌並置廣昌郡春陵注云舊置安昌郡又春陵郡注云後魏置南荊州蔡陽注云後魏置

南雍州

西魏改南荊爲昌州安昌郡廣昌郡隸焉改南雍爲蔡州蔡陽郡分置千金郡並隸焉後周因之

棗陽縣志

卷一

沿革

三

按安昌郡領安昌豐良二縣廣昌郡領廣昌縣蔡陽郡領蔡陽南陽二縣南陽後改曰雙泉千金郡領嚮源縣

隋廢昌州蔡州立春陵郡治棗陽以春陵清潭蔡陽湖陽上馬隸焉

按隋仁壽元年改廣昌爲棗陽縣棗陽之名始此湖陽卽今唐縣湖陽鎮上馬在今泌陽地

又按舊志以棗陽爲棘陽考元志棘陽有鎮介於新野湖陽二縣之間王鴻緒明史稿新野東北有棘陽廢縣又按漢志棘陽注云在棘水之陽以爲棗陽未審何據

唐廢春陵郡省蔡陽清潭春陵三縣入棗陽隸隨州漢東郡屬山南東道

按唐武德元年改春陵郡為昌州五年以縣有唐城山即唐

子改昌州為唐州九年唐州徙治於泚陽即今唐縣以棗陽隸

焉至貞觀十年始改隸隨州開元二十六年以客戶眾多

析棗陽地置唐城縣即今唐縣鎮並屬隨州

宋仍唐制二縣皆隸隨州紹興十二年陞棗陽為郡屬軍

路

按宋後省唐城入隨州

棗陽縣志

卷一

沿革

四

元初仍為棗陽縣隸南陽府至元十九年改隸襄陽路屬河

南江北行省

按棗陽之名始於隋其隸襄陽則始於元

明洪武十年省入宜城縣未幾復置隸襄陽府屬湖北布政

司

國朝因之

按舊志以縣為蓼國謝國甘志斷以為唐國考蓼國在漢

為湖陽縣今湖陽舊城在唐縣境內謝國在湖陽北境去

縣更遠即以為唐國其此疆爾界亦未能顛若畫一又考

春秋蔡侯鄭伯會於鄧注云義陽鄧縣則棗陽亦有鄧地
總之古今封域犬牙相錯沿革本屬無定盈縮亦有不同
惟自漢以來章陵始有確據由隋而後棗陽代擅嘉名考
輿圖者無難上下千古也

疆域

縣在府東北一百四十里

東至隨陽店交德安府隨州界六十里

南至吳家集交安陸府鍾祥縣界一百二十里

西至楸樹井交襄陽縣界七十里

棗陽縣志

卷一

沿革

五

北至寺莊又至湖河鎮交河南南陽府唐縣界各六十里

東南至石虎山清潭店交隨州界各九十里又至松林寺交

鍾祥縣界一百三十里

西南至老虎壇交宜城縣界一百三十里又九里岡交界一

百二十里又至耿家集交襄陽縣界七十里

西北至大湖陂交唐縣界八十里又至聶家集交南陽府新

野縣界又至關王寺交襄陽界八十里

東北至落湖阪交唐縣界又至玉皇廟交桐柏縣界各七十

里又至糞扒店交隨州界八十里又至鍾家岡交唐縣界六

十里

東西廣一百三十里

南北袤一百八十里

東南至湖北省城五百四十里

北達

京師三千六百二十里

形勝

霸山壁立於東漢江環遶於西南有白水之前紫北有唐河
之後阻其中土地廣衍四山鞏固為襄外屏

輿地要覽

棗陽縣志

卷一

沿革

六

巖石隘狹道路交錯自棗陽至厲山九十九岡昔智謀之士
多談漢東險阻如兵家詭伏奇計又言有囊括之勢易入而

難出

文獻通考

棗陽襄屬鉅邑當隨郢宛蔡之衝地重物英名著古昔

明李原儒

學記

按棗陽屬漢南都地世祖龍飛之所東南多山阻險為固
西北夷漫利用車徒自古攻守之地衝湊之區也然屬豫
不過多一彈丸而在楚卽以鍵北方門戶故襄陽者天下
之咽喉而棗陽者又襄陽之唇齒也